



14
1544
140



14
1544
140

全五代詩卷九十一

羅江李調元雨村編

荆南

齊已三

言詩

畢竟將何狀根元在正思達人皆一貫迷者自多岐觸
類風騷遠懷賢肺腑衰河橋送別者二子好相知

酬王秀才

離亂幾時休儒生厄遠遊亡家非漢代何處覓荆州旅
夢寒燈屋鄉懷晝雨樓相逢話相殺誰復念風流

全五代詩卷九十一 荆南

1547
190

全五代詩卷九十一

羅江李調元雨村 編

荆南

齊已三

言詩

畢竟將何狀根元在正思達人皆一貫迷者自多岐觸
類風騷遠懷賢肺腑衰河橋送別者二子好相知

酬王秀才

離亂幾時休儒生厄遠遊亡家非漢代何處覓荆州旅
夢寒燈屋鄉懷晝雨樓相逢話相殺誰復念風流

五代詩

卷九十一

荆南

春居寄友生

莎徑荒蕪甚君應共此情江村雷雨發竹屋夢魂驚社
過多來燕花繁漸老鶯相思意何切新作未曾評

寄荅武陵幕中何支使

十萬雄軍幕三千上客才何當談笑外遠慰寂寥來騷
雅鏘金擲風流醉玉頽爭知江雪寺老病內寒灰

南州無百戰北地有長征閑殺何從事傷哉蘇子卿江
樓聯雪句野寺看春耕門外滄浪水風波雜雨聲

浙江晚渡

去年曾到此久立滯前程岐路時難處風濤晚未平汀

蟬含老韻岸荻簇枯聲莫泥關河險多遊自遠行

送人下第東歸再謁舊主人

一戰偶不捷東歸計未空還攜故書劍去謁舊英雄楚
雪連吳樹西江正北風男兒藝若是會合值明公

寄謝高先輩見寄

穿鑿堪傷骨風騷久痛心永言無絕唱忽此惠希音楊
柳江湖晚芙蓉島嶼深何因會仙手臨水一披襟

詩在混沌前難搜到極元有時還積思度歲未終篇片
月雙松際高樓濶水邊前賢多此得風味若為傳

寄仰山光味長者

大仰禪棲處杉松到頂陰下來雖有路歸去每無心鳥
道峯形直龍湫石影深徑行誰得見半夜老猿吟

貽廬岳陳沆秀才

為儒老雙鬢勤苦竟何如四海方磨劍空山自讀書石
闌泉眼碧秋落洞門虛莫慮搜賢僻徵君舊此居

邊上

漢地從休馬胡家自牧羊都來銷帝道渾不用兵防草
上孤城白沙翻大漠黃秋風起邊雁一一向瀟湘

寄西山鄭谷神

西望鄭先生焚修在杳冥幾番松骨朽未換鬢根青石

闕涼調瑟秋壇夜拜星俗人應撫掌閑處記

讀參同契

堪笑修仙侶燒金覓大還不知消息火只在寂寥闕
白爐中術魂飛海上山悲哉五千字無用在人間

聞落葉

楚樹雪晴後蕭蕭落晚風因思故國夜臨水幾株空煮
茗燒乾脆行苔踏爛紅來年未離此還見碧叢叢

謝王先輩昆弟遊湘中廻各見示新詩

瀟湘多勝異宗社久衰回兄弟同遊去幽竒盡采采只
應求妙唱何以示寒灰上國攜歸後唯呈不世才

全五代詩 卷之十一
寄酬高輦推官

道自閑機長詩從靜境生不知春豔盡但覺雅風清竹
膩題幽碧蕉乾裂脆聲何當九霄客重疊記無名

逢詩僧

禪元無可並詩妙有何評五七字中苦百千年後清難
求方至理不朽始為名珍重重相見忘機話此情

謝歐陽侍郎寄示新集

宮錦三十段金梭新織來殷勤謝君子迢遞寄寒灰鸞
鴛對鼓舞神仙雙袂回誰當巧裁製披去升瑤臺

西墅新居

漸漸見苔青疎疎遍地生閑穿藤屐起亂踏石階行野
鳥啼幽樹名僧笑此情殘陽竹陰裏老圃打門聲

酬孫魴

幽人還愛雲才子已從軍可信鴛鴻侶更思麋鹿羣新
題雖有寄舊論竟難聞知己今如此編聯恣欲焚

掃地

日日掃復灑不容纖物侵敢望來客口道似主人心蟻
過光中少苔依潤處深門前亦如此一徑入疎林

書匡山隱者壁

紅霞青壁底石室薜蘿垂應有迷仙者曾逢採藥時桃

全五代詩

卷之十一

荆南

四

花饒兩頰松葉淺長髭直是來城市何人識得伊

野鴨

野鴨殊家鴨離羣忽遠飛長生緣甚瘦近死為傷肥
江海游空濶池塘啄細微紅蘭白蘋渚春暖刷毛衣

傷秋

旦暮餘生在肌膚十分無眠寒半榻朽立月一株枯夢
已隨雙樹詩猶却萬夫名山未歸得可惜死江湖

懷東湖寺

鐵柱東湖岸寺高人亦閒往年曾每日來此看西山竹
徑青苔合茶軒白鳥還而今在天末欲去已衰顏

寄峴山願公

形影更誰親應懷漆道人片言酬鑿齒半偈伏姚秦
棒芥池經燒蒿萊寺過春心期重西去一共弔遺塵
相思恨相遠至理那時何道笑忘言甚詩嫌背俗多青
苔閑閣閉白日斷人過獨上西樓望荆門千萬坡

清夜作

不惜白日短乍容清夜長坐聞風露滴吟覺骨毛涼興
寢無諸病空閑有一牀天明振衣起苔砌落花香

贈白處士

莘野居何定浮生知是誰衣衫同野叟指趣似禪師白

髮應無也丹砂久服之仍聞創行計春暖向我眉

崔秀才宿話

事轉聞多事心休話苦心相留明月寺共憶白雲岑
壁殘蟲韻霜軒倒竹陰開門又言別誰竟慰塵襟

懷天台華頂僧

華頂危臨海丹霞裏石橋曾從國清寺二看月明潮好
鳥親香火狂泉噴次寥欲歸師智者頭白路迢迢

送人赴官

年少作初官還如行路難兵荒經邑里風俗久凋殘
照硯花光淡漂書柳絮乾聊應充侍膳薄俸繼朝餐

水鶴

鴛鴦與鷓鴣相狎豈慙君比雪還勝雪同羣亦出羣
靜巢孤島月寒夢九臯雲歸路分明箇飛鳴即可聞

湘中感懷

漁翁那會我傲兀葦邊行亂世難逸跡乘流擬濯纓
江花紅細碎沙鳥白分明向夕題詩處春風斑竹聲

九日逢虛中虛受

楚后萍臺下相逢九日時干戈人事地荒廢菊花籬
我已多衰病君猶盡黑鬣皇天安罪得解語便吟詩

贈李明府

名家宰名邑將謂屈鋒銚直是難蘇俗能消不下堂冰
痕生硯水柳影透琴牀何必稱瀟灑獨為詩酒狂

暮春久雨作

積雨向春陰冥冥獨院深已無花落地空有竹藏禽
簷溜聲何暴隣僧影亦沈誰知力耕者桑麥最關心

渚宮莫問詩十首并序

予以辛巳歲蒙主人命居龍安寺察其疎鄙免以趨
奉爰降手翰曰盖知心不在常禮也予不覺欣然而
作顧謂形影曰爾本青山一衲白石孤禪今王侯構
室安之給俸食之使之樂然萬事都外游息自得則

雲泉猿鳥不必為狎其必縱若是夫何繫乎自是龍

門牆勿歷稔不復瞻覲以他家哉因創莫問之題凡

十篇一作十五皆以莫問為首焉

莫問疎人事王侯已任伊不妨隨野性還似在山時靜

入無聲樂狂拋正律詩自為仍自愛清淨裏尋思

莫問伊嵇嬾流年已付他話通時事少詩着野題多夢

外春桃李心中舊薜蘿浮生此不悟剃髮竟如何

莫問休行脚南方已徧尋了應須自了心不是他心赤

水珠何覓寒山偈莫吟誰同論此理杜口少知音

莫問孱愚格天應只與閑舍居長樹下那稱衆人間跡

絕為真隱機忘是大還終當學支遁買取箇青山
莫問閑行趣春風野水涯千門無謝女兩岸有楊花好
鶴曾為客真龍或作蛇躊躇自迴首日脚背樓斜
莫問真消息中心只自知清風含笑詠明月混希夷壞
衲涼天擁元文静夜披善哉温伯子言望至公知
莫問休持鉢從貧乞已疎侯門叨月俸齋食剩年儲簪
履三千外形骸六十餘舊峯呵練若松徑接匡廬
莫問依劉跡金臺又度秋威儀非上客譚笑愧諸侯禮
許無拘檢詩推異輩流東林未歸得搖落楚江頭
莫問無機性甘名百鈍人一牀鋪冷落長日卧精神分

已疎知舊詩還得意初多才碧雲客時或此相親
莫問閑門意從來寡往還道應歸淡泊身合在空閑四
面苔圍綠孤窗雨灑斑夢尋何處去秋色水邊山
莫問多山興晴樓獨凭時六年滄海寺一別白蓮池句
早逢名匠禪曾見祖師冥搜與真性清外認揚眉
莫問野騰騰勞形已不能慙慙無上士珍重有名僧坐
覺心心默行思步步永終歸石房裏一點夜深燈

夜坐聞雪寄所知

初宵飛霰急竹樹灑乾輕不是知音者難教愛此聲漸
凌孤燭白偏激苦心清堪笑同文友忘眠坐到明

欲遊龍山鹿苑有作

龍山門不遠鹿苑路非遙
合逐閑身去何須待客招
年華殘兩鬢筋骨倦長宵
聞說峯前寺新修白石橋

再逢晝公

竟陵西別後徧地起刁兵
彼此無緣着雲山有處行
久吟難敵句終忍不求名
年鬢俱如雪相看眼且明

送人遊武陵湘中

為子歌行樂西南入武陵
風煙無戰士賓榻有吟僧
山遶軍城疊江臨寺閣層
遍尋幽勝了湘水泛清澄

酬九經者

九經三史學窮妙又窮微
長白山初出青雲路欲飛
江僧酬雪句沙鶴識麻衣
家在黃河北南來偶未歸

寄贈集灘二公

聞有難名境因君住更名
軒窗中夜色風月遶灘聲
客好過無厭禽幽書不成
終期一尋去聊且寄吟情

夏日作

燕雀語相和風池滿芰荷
可驚成事晚殊喜得閑多
竹衆涼欺水苔繁綠勝沙
無慙孤聖代賦詠有詩歌

行路難

下浸與高盤不為行路難
是非真險惡翻覆作峰巒
漆

媿同時黑朱慙巧處丹令人畏相識欲畫白雲看
送玉泉道者迴山寺

却憶西峯頂經行絕愛憎別來心念念歸去雪層層石
鳩尋春笋苔龕續夜燈應悲塵土裏追逐利名僧
謝王拾遺見訪兼寄篇什

竹裏安禪處生涯一印灰經年乞食過昨日諫臣來愧
把黃梅偈曾酬白雪才因令識鳥跡重疊在蒼苔

題張氏池亭

樹石叢叢別詩家趣向幽有時閑客散始覺細泉流蝶
到琴棋畔花過島嶼頭月明紅藕上應見白龜游

題明公房

寺北聞湘浪窗南見嶽雲自然高日用何要出人羣瓦
滴殘松雨香爐印文近年精易道疑者曉紛紛

寄顧處士

半年離別夢來往即湖邊兩幅閑山雪尋常在眼前項
容藏古翠張藻卷寒煙藍淀圖花鳥時人不惜錢

貽徐生

可能東海子清苦在貧居掃地無閑客堆窗有古書少
年猶若此向老合何如去歲頻相訪今來見亦疎

謝虛中上人晚秋見寄

楚外同文在荆門得信時幾重相別意一首晚秋詩日暮山沈雨蓮殘水滿池登樓試南望為子動歸思

寄東林言之禪子

閒思相送後幽院閉苔錢使我吟還廢聞君病未痊聽秋唯困坐怕客但佯眠可惜東窗月無寥過一年

寒節日寄鄉友

歲歲逢寒食寥寥古寺家踏青思故里垂白看楊花原野稀疎雨江天冷澹霞滄浪與湘水歸恨共無涯

聞西蟾從弟卜巖居獄西有寄

瀑布見高低巖開巖壁西碧雲多舊作紅葉幾新題滴

瀝中疎磬嵌空半倚梯仍聞樵子徑足不到前溪

寄懷西蟾師弟

蟾師有萬里八九月一身西北風之句

萬里八九月一身西北風自從相示後長記在吟中見說南遊遠堪懷我姓同江邊忽得信迴到岳門東

全五代詩卷九十二

羅江李調元雨村編

荆南

齊已

寄西川惠光大師曇域

禪月有名子相知
面未曾筆精垂壁
溜詩澀滴杉冰蜀
國從棲泊蕪城幾
廢興憶歸應寄夢
東北過金陵

憶別匡山寄彭澤乾畫上人

憶別匡山日無端
是遠遊却迴看五
老翻悔上孤舟
踏
蹬
三
千
里
蹉
跎
二
十
秋
近
來
空
寄
夢
時
到
虎
溪
頭

又寄彭澤畫公

聞君彭澤住結構近陶公種菊心相似嘗茶味不同湖
光秋枕上嶽翠夏窗中八月東林去吟香菡萏風

因覽支使孫中丞看可準大師詩序有寄

一千篇裏選三百首菁英玉尺新量出金刀舊剪成錦

江增古翠仙掌減元精準公曾以詩道訪司空圖于華下自此為風格留傳

諸後生

新秋病中枕上聞蟬

枕上稍醒醒忽聞蟬一聲此時知不死昨日即前生更
欲臨窗聽猶難策杖行尋應同蛻殼重飲露益清

寄雲蓋山先禪師

曾尋湘水東古翠積秋濃長老禪棲處半三雲蓋峯閑
牀饒得石雜樹少於松近有誰堪語瀏陽砂指蹤

落葉

落多秋亦晚窗外見諸鄰世上誰驚盡林間獨掃頻蕭
騷微月夜重疊早霜晨昨日繁陰在鶯聲樹樹春

次耒陽作

遶岳復沿湘衡陽又耒陽不堪思北客從此入南荒旦
夕多猿狖淹留少雪霜因經杜公墓惆悵學文章

舟中晚望祝融峯

天際卓寒青舟中望曉晴十年關夢寐此日向崢嶸
石凌空黑飛泉照夜明終當躡孤頂坐看白雲生

弔杜工部墳

鵬翅躡於斯明君知不知城中詩價大荒外土墳卑瘴
雨無時滴蠻風有穴吹唯應李太白魂魄往來疲

嶽中寄殷處士

出嶽與入嶽前題繼後題遍尋僧壁上多在雁峯西近
說遊江寺將誰話石梯相思立高巘山下草萋萋

送幽禪師

霜繁野葉飛長老卷行衣浮世不知處白雲相待歸
磬

和天籟響禪動嶽神威莫便言長往勞生待發機

觀燒

獵獵寒蕪引承風勢不還放來應有主焚去到何山
焰入空濛裏煙飛蒼莽間石中有良玉惆悵但傷顏

寄陽岐西峯僧

西峯殘照東瀑布灑冥鴻閑憶高牕外秋晴萬里空
藤陰蔽石磴衣毳落杉風日有誰來覓層層鳥道中

迴雁峯

瘴雨過孱顏危邊有徑盤壯堪扶壽嶽靈合置仙壇影
北鴻聲亂青南客道難他年思隱遯何處凭闌干

全五代詩 卷之十一
贈詢公上人

威儀何貴重一室貯冰清終日松杉徑自多
蟲蟻行像前孤立影鐘外數珠聲知悟修來事
今為第幾生

秋興

所見背時情閑行亦獨行晚涼思水石危閣望
崢嶸雨外殘雲片風中亂葉聲舊山吟友在相憶
夢應清

古寺老松

百歲禪師說先師指此松小年行道遠早見偃
枝重月檻移孤影秋亭卓一峯終當因夜電拏攫
從雲龍

歲暮江寺住

山依枯槁容何處見年終風雪軍城外蕪葭古
寺中孤村誰認磬極浦夜鳴鴻坐憶匡廬隱泉聲
滴半空

新燕

棲託近佳人應鄰巧語新風光華屋暖弦管牡丹
晨遠采江泥膩雙飛麥雨勻差池自有便敢觸杏
梁塵

喻吟

日用是何專吟疲即坐禪此生還可喜餘事不相
便頭白無邪裏魂清有象先江花與芳草莫染我情
田

過湘江唐宏書齋

四鄰無俗迹終日大開門水晚來邊雁林秋下楚
猿一

家隨難在雙眼向書昏沈近騷人廟吟應見古魂

讀賈島集

遺篇三百首首是遺寃知到千年外更逢何者論離
秦空得罪入蜀但聽猿還似長沙祖唯餘賦鵬言

寄山中諸友

自歸城裏寺長憶宿山門終夜冥心客諸峯叫月猿嵐
先生眼力泉滴爽吟魂只待遊方遍還來埽樹根

懷終南僧

擾擾一京塵何門是了因萬重千疊嶂一去不來人鳥
道春殘雪蘿龕畫定身寥寥石窗外天籟動衣巾

送二友生歸宜陽

二生俱我友清苦輩流稀舊國居相近孤帆秋共歸殘
陽沙鳥亂疎雨島楓飛幾宿多山處猿啼燭影微

懷從弟

孤窗燭影微何事阻吟思兄弟斷消息山川長路岐日
沈栖鶴塢霜著叫猿枝可想為懷抱多愁多難時

書李秀才壁

干戈阻上日南國寄貧居舊里荒應盡新年病未除窗
風連島樹門逕接隣蔬我有閑來約相看雪滿殊

聞尚顏下世

全五七詩

卷五七

荆南

五

嶽僧傳的信聞在麓山七郡有為詩客誰來一影堂夢
休尋灞澨跡已絕瀟湘遠憶同吟石新秋檜栢涼

薔薇

根本似玫瑰繁英刻外開香高藪有架紅落地多苔去
住閑人看晴明遠蝶來牡丹先幾日銷歇向塵埃

送隆公上人

獨攜譚柄去十里指人寰未斷生徒望難教白日閑空
江橫落照大府向西山好騁陳那孔誰云劫石頑

宿簡寂觀

萬壑雲霞影千年松檜聲如何教下士容易信長生月

共虛無白香河沆瀣清閑尋古廊畫記得列仙名

遇元上人

七澤過名山相逢黃葉殘杉松開寺晚泉月話心寒祖
遍諸方禮經曾幾處看應懷出家院紫閣近長安

送孫逸人歸廬山

獨自擔琴鶴還歸瀑布東逍遙非俗趣楊柳謾春風草
遶村程綠花盤石磴紅他時許相覓五老亂雲中

聽李尊師彈琴

仙子弄瑤琴仙山松月深此聲含太古誰聽到無心灑
石霜千片敲崖泉萬尋何人傳指法攜向海中岑

寄武陵微上人

善卷臺邊寺松筠遠祖堂秋聲度風雨曉色遍滄浪白
石同誰坐清吟過我狂近聞為古律雅道更重光

湘西道林寺陶太尉井

太尉遺孤井寒澄七百年未聞陵谷變終與姓名傳影
浸無風樹光含有月天林僧曉來此滿汲灑金田

寄松江陸龜蒙處士

萬卷功何用徒稱處士休閑敬太湖石醉聽洞庭秋道
在誰開口詩成自點頭中間欲相訪尋便阻戈矛

閉門

外事休關念灰心獨閉門無人來問我白日又黃昏燈
集飛蛾影窗銷迸雪痕中心自明了一句祖師言

看水

范蠡東浮閩靈均北泛長誰知遠煙浪別有好思量故
國門前急天涯照裏忙難收上樓興渺漫正斜陽

寄棲白上人

萬國爭名地吾師獨此閑題詩招上相看雪下南山內
殿承恩久中條進表還常因秋貢客少得掩禪關

自題

禪外求詩妙年來鬢已秋未嘗將一字容易謁諸侯桂

夢山皆遠題名石盡幽敢言梁太子傍采碧雲流

孫支使來借詩集因有謝

冥搜從少小隨分得淳元聞說吟僧口多傳過蜀門相
尋江島上共看夏雲根坐落遲遲日新題五把論

夏日言懷

苦被流年迫衰羸老病情得歸青嶂死便共白雲生樹
枿燒爐響崖稜躡屐聲此心人信否魂夢自分明

早秋寄友生

雨多殘暑歇蟬急暮風清誰有閒心去江邊看水行河
遙紅蓼簇野闊白煙平試折秋蓮葉題詩寄三卿

送王秀才往松滋夏課

松滋聞古縣明府是詩家靜理餘無事歌眠盡落花江
光搖夕照柳影帶殘霞君去應相與乘船泛月華

喜晉公自武陵至

已盡滄浪興還思湘楚行鬢全無舊黑詩別有新清暫
憇臨寒水時來扣靜荆囊中有靈藥終不獻公卿

謝西川可準上人遠寄詩集

匡社經行外沃洲禪宴餘吾師還繼此後輩復何如江
上傳風雅靜中時卷舒堪隨樂天集共伴白芙蓉

秋空

荆南

八

金五代詩 卷五
已覺秋空極更堪寥泐青只應容好月爭合有妖星耿
耿高河截脩脩一雁經曾於洞庭宿上下徹心靈

與聶尊師話道

伯陽遺妙旨杳杳與冥冥說即非難說行還不易行藥
中迷九轉心外覓長生畢竟荒原上一盤蒿隴平

送相里秀才自京至却迴

夷門詩客至楚寺閉蕭騷老病語言澀少年風韻高難
於尋閨島險甚涉雲濤珍重西歸去無忘役思勞

謝人寄南榴卓子

幸附全村長良工斲器殊千林文栢有一尺錦榴無品

格宜仙果精光稱玉壺憐君遠相寄多愧野蔬麤

寄舊居隣友

別後知何趣搜竒少客同幾層山影下萬樹雪聲中晚
粥烹茶綠晨厨爨粟紅何時攜卷出世代有名公

送朱秀才歸閩

荆門來幾日欲往又囊空遠客歸南越單衣背北風近
鄉微有雪到海漸無鴻努力成詩業無謀謁至公

龍潭作

乍臨毛髮豎雙壁夾湍流白日鳥影過青苔龍氣浮蔽
空雲出石應禱雨翻湫四面耕桑者先聞賀有秋

依韻酬謝尊師見贈二首

師欲調舉

南國搜奇久偏傷
杜南墳重來經漢浦
又去入嵩雲
舊別人稀見
新朝事漸聞
莫將高尚跡
閑處傲明君
嶽頂休高卧
荆門訪掩扉
新詩遺我別
舊約與誰歸
賢路曾無滯
良時肯自違
明年窺日窟
仙桂露霏微

送冰禪丹往湖中

行心寧肯住南去
與誰羣碧落
高空處
清秋一片雲
穿林瓶影滅
背雨錫聲分
應笑遊方久
龍鐘楚水濱

喜表公往楚王城

已聞人捨地
結構舊基平
一面湖光白
鄰家竹影清

難尋輦道空說是王城
誰信興亡跡
今來有磬聲

春雪初晴喜友生至

數日不見日飄飄
勢忽開雖無忙事出
還有故人来
已盡南簷滴
仍殘北牖堆
明朝望平遠
相約在春臺

殘春連雨中偶作懷故人

南鄰阻杖藜
夜齒遠牀泥
漠漠門長掩
遲遲日又西
不知何興味
更有好詩題
還憶東林否
行苔傍虎溪

送崔判官赴歸倅

白首從顏巷
青袍去佐官
只應微俸祿
聊補舊飢寒
地說邱墟甚
民間旱歎殘
春風吹綺席
賓主醉相歡

寒食日懷寄友人

萬井追寒食閑扉獨不開梨花應折盡柳絮自飛采夢
覺懷仙島吟行遶砌苔浮生已悟了時節任相催

懷巴陵舊遊

洞庭雲夢秋空碧共悠悠孟子狂題後何人更倚樓日
西來遠棹風外見平流終欲重尋去僧窗古岸頭

招乾盡上人宿話

連夜因風雪相留在寂寥禪心誰指示詩卷自焚燒語
默鄰寒漏窗扉向早朝天台若長往還渡海門潮

荆門秋日寄友人

青溪知不遠白首安難歸空想煙雲裏春風鸞鶴飛誰
論傳法偈自補坐禪衣未謝侯門去尋常即掩扉

哭鄭谷郎中

朝衣閑典盡酒病覺難醫下世無遺恨傳家有太詩新
墳青嶂疊寒食白雲垂長憶招吟夜前年風雪時

除夜

夜久誰同坐爐寒鼎亦澄
亂松飄雨雪一室掩香燈
白髮添新歲清吟減舊朋
明朝待晴旭池上看春冰

送祕上人

誰喜老閑身春山起送君
欲憑蓮社信轉入洞庭雲
道路長無阻干戈漸不聞
秋來向何處相憶鴈成羣

寓居嶽麓謝進士沈彬再訪

去歲來尋我留題在蘚痕
又因風雪夜重宿古松門
玉有疑休泣詩無主且言
明朝此相送披褐入桃源

對雪

松門堆復積埋石亦埋莎
為瑞還難得居貧莫厭多
聽憐終夜落吟惜一年過
誰在江樓望漫漫墮綠波

和岷公送李評事往宜春

兵火銷鄰境龍沙有去人
江潭牽興遠風物入題新
雪湛將殘臘霞明向早春
郡侯開宴處桃李照歌塵

送僧

老憶遊方日天涯錫獨搖
凌晨從北固衝雪向南朝
鬢髮泉邊剃香燈樹下燒
雙峰諸道友夏滿有書招

山中答人

謾道詩名出何曾著苦吟
忽來還有意已過即無心
夏

月山長往霜天寺獨尋故人憐拙朴時復寄空林

贈盧明府閑居

鬢霜垂七十江國久辭官滿篋新風雅何人舊歲寒閑
居當野水幽鳥宿漁竿終欲相尋去兵戈時轉難

幽庭

不放生織草從教徧綠苔還防長者至未著牡丹栽
蛭空飛過鵲鷓時下來南鄰折芳子到此寂寥迴

送休師歸長沙寧觀

吾子此歸寧風煙是舊經無窮芳草色何處故山青
偶泊鳴蟬島難眠好月汀殷勤問安外湘岸採詩靈

將遊嵩華行次荆渚

蓮峰映敷水嵩嶽壓伊河兩處思歸久前賢隱去多
閑身應絕跡在世幸無他會向紅霞嶠僧龕對薜蘿

遠思

遠思極何處南樓煙水長秋風過鴻雁遊子在瀟湘海
面雲生白天涯墮晚光徘徊古堤上曾此贈垂楊

渚宮江亭寓目

津亭雖極望未稱本心閑白有三江水青無一點山
新鴻喧夕浦遠權聚空灣終遂歸匡社孤帆即此還

送劉秀才往東洛

全五代詩

卷九

荆南

三

羨子去東周行行非旅遊煙霄有兄弟事業盡曾劉洛
水清奔夏嵩雲白入秋來年遂鵬化一舉上瀛洲

移竹

舊溪千萬竿風雨夜珊珊白首來江國黃金買歲寒乍
移傷粉節終遠著朱欄會得承春力新抽錦箨看

雉

角角類關關春晴錦羽乾文呈五色異瑞八九苞難暮
宿紅蘭暖朝飛綠野寒山梁從行者錯解仲尼歎

懷軒轅先生

不得先生信空懷汗漫秋月華離鶴背日影上鼇頭欲

學孤雲去其如重骨留槎程在何處人世屢荒邱

永夜感懷寄鄭谷郎中

展轉復展轉所思安可論夜涼難就枕月好重開門霜
殺百草盡蛩歸四壁根生來若草句早遇至公言

賣松者

未得凌雲價何慙所買真自知桃李世有愛歲寒人瑟
瑟初離洞青青未識塵寧同買花者貴逐沆時春

丙寅歲寄潘歸仁

九土盡荒墟干戈殺害餘更須憂去國未可守貧居康
泰終來在編聯莫破除他年遇知己無恥報襜褕

石屋晚煙生松窗鐵碾聲因留來客試共說寄僧名味
擊詩魔亂香搜睡思輕春風雪川上憶傍綠叢行

詠影

萬物患有象不能逃大明始隨殘魄滅又逐曉光生曲
直寧相隱洪纖必自呈還如至公世洞鑒是非情

南歸舟中二首

南歸乘客權道路免崎嶇江上經時節船中聽鷓鴣春
容含衆岫雨氣泛平蕪落日停舟望王維未有圖
長江春氣寒客况權聲閑夜泊諸村雨程迴數郡山桑

根垂斷岸浪沫聚空灣已去鄰園近隨緣是暫還

題中上人院

高房占境幽講退即冥搜欠鶴同支道多詩似惠休
澄孤井浪案白小窗秋莫道歸山字朝賢日獻酬

逢鄉友

無况來江島逢君話滯留生緣同一國相識共他州竹
影斜青蘚茶香在白甌猶憐心道合多事亦冥搜

自勉

試筭平生事中年欠五年知非未惹後讀易尚加前分
受詩魔從寧容俗態牽閑吟見秋水數隻釣魚船

宮詩友

天地有萬物盡應輸苦心他人雖欲解此道奈何深
返朴遺時態關門度歲陰相思去秋夕共對冷燈吟

居道林寺書懷

花落水喧喧端居信晝昏誰來看山寺自要掃松門是
事皆能諱唯詩未嬾言傳聞好時世亦欲背啼猿

經吳平觀

中元齋醮後殘燼滿空壇老鶴心何待尊師鬢已乾
燈古殿夜霜霰大椿寒誰見長生路人間事萬端

劍客

拔劍遶殘樽歌終便出門西風滿天雪何處報人恩
勇死尋常事輕讐不足論翻嫌易水上細碎動離魂

白髮

莫染亦莫鑷任從伊滿頭白雖無耐藥黑也不禁秋靜
枕聽蟬卧閑垂看水流浮生未達此多為爾為愁

秋興寄允公

風聲吹竹健涼氣著身輕誰有閑心去江邊看水行村
遙紅樹遠野闊白煙平試裂芭蕉片題詩問竺卿

野步

城裏無閑處却尋城外行田園經雨水鄉國憶桑耕傍

澗蕨薇老隔村岡隴橫何窮此心興時復鷓鴣聲

殘春

三月看無也芳時此可嗟園林欲向夕風雨更吹花影
亂衝人蜨聲繁迭塹蛙那堪傍楊柳飛絮滿鄰家

酬尚顏

取盡風騷妙名高身倍閑久離王者闕欲向祖師山幕
府秋招去溪鄰日望還伊余豈酬敵來往踏苔斑

苦熱

雲勢嶮於峰金流斷竹風萬方應望雨片影欲焚空毒
害芙蓉元煩蒸瀑布紅恩多是團扇出入畫屏中

送歐陽秀才赴舉

莫疑空手去無援取高科直是文章好爭如德行多煙
霄心一寸霜雪路千坡稱意東歸後交親那喜何

謝王秀才見示詩卷

誰見少年心低摧向苦吟後須離影響得必洞精深道
院春苔徑僧樓夏竹林天如愛才子何慮未知音

送徐秀才之吳

吳都霸道昌才子去觀光望闕雲天近朝宗水路長海
門收片雨建業泊殘陽欲問淮王信仙都即帝鄉

獨院偶作

風篁清一院坐卧潤肌膚此境終拋去鄰房肯信無身
非王者役門是祖師徒畢竟伊雲鳥從來我友于

酬元員外見寄

僻巷誰相訪風籬翠蔓牽易中通性命貧裏過流年且
有吟情撓都無俗事煎時聞得新意多是此志緣

寄文秀大師

皎然靈一時還有屈於詩世豈無英主天何惜大師道
終歸正始心莫問多岐覽卷堪驚立貞風喜未衰

謝興公上人寄山水簇子

半幅古潺顏看來心意閑何須尋鳥道即此出人間

暮疑啼狄松深認掩關知君遠相惠免我憶歸山

酬微上人

古律皆深妙新吟復造微搜難窮月窟琢苦盡天機晚
檜清蟬咽寒江白鳥飛他年舊山去為子遠攜歸

同光歲送人及第東歸

西笑道何光新朝舊桂堂春官如白傅內試似文皇變
化龍三十升騰鳳一行還家幾多興滿袖月中香

寄江居耿處士

野癖雖相似生涯即不同紅霞禪石上明月釣船中醉
倒蘆花白吟綠蓼岸紅相思何以寄吾道本空空

病起二首
一卧四十日起來秋氣深已甘長逝魄還見舊交心撐
拄筇猶重枝梧力未任終將此形陋歸死故邱林
秋風已傷骨更帶竹聲吹抱疾闔門久扶羸傍砌時無
生即不可有死必相隨除却歸真覺何由擬免之

送中觀進公歸巴陵

一論破雙空持行大國中不知從此去何處挫邪宗晝
雨懸帆黑殘陽泊島紅應游到澧岸相憶遠茶叢

歸鴈

塞門春已暖連影起蘋風雲夢千行去瀟湘一夜空江

人休舉網虜將又虛弓莫失南來伴衡陽樹即紅

登大林寺觀白太傅題版

九疊蒼崖裏禪家鑿翠開清時誰夢到白傅獨尋來怪
石和僧定閑雲共鶴迴任茲休去者心是不然灰

贈曹松先輩

今歲赴春闈達如夫子稀山中把卷去榜下注官歸楚
月吟前落江禽酒外飛閑遊向諸寺却看白麻衣

夏日梅雨中寄睦公

梅月來林寺冥冥各閉門已應雙履跡全沒亂雲根琢
句心無味看經眼亦昏何時見清霽招我憑巖軒

傷鄭谷郎中

鐘陵千首作筆絕亦身終知落干戈裏誰家煨燼中吟
齋春長蕨釣渚夜鳴鴻惆悵秋江月曾招我看同

別東林後迴寄修睦

昨夜從香社辭君出薜蘿晚來巾烏上已覺俗塵多遠
路縈芳草遙空共白波南朝在天末此去重經過

夏日西霞寺書懷寄張逸人

人中林下現名自有閑忙建業紅塵熱栖霞白石涼倚
身裡几穩灑面瀑流香不似高齋裏花連竹影長

訪自牧上人不遇

然諾竟如何諸侯見重多高房度江雨經月長寒莎道
本同騷雅書曾到薜蘿相尋未相見危閣望滄波

寄懷江西徵岷二律師

亂後江邊寺堪懷二律師幾番新弟子一樣舊威儀院
影連春竹窗聲接雨池共綠山水癖久別共題詩

東林作寄金陵知己

十八賢真在時來拂榻看已知前事遠更結後人難泉
滴勝清磬松香掩白檀憑君聽朝貴誰欲厭簪冠

山寺喜道者至

閏年春過後山寺始花開還有無心者閑尋此境來鳥

幽聲忽斷茶好味重迴知任南巖久冥心坐綠苔

再遊佳山

紫霄兼二老相對倚空寒久別成衰病重來更上難徑
危雲母滑崖旱瀑流乾目斷嵐煙際神仙有石壇

贈所江李推官

他皆恃勲貴君獨愛詩元終日秋光裏無人竹影邊東
樓生倚月北因積吟煙聞說駕行裏多才復少年

題終南山隱者室

終南山北面直下是長安白埽青苔室閑敲白石看風
吹窗樹老日曬竇雲乾時心圭峰宿僧房瀑布寒

送孫鳳秀才赴舉

九重方側席四海仰文明好把孤吟去便隨公道行梁
園浮雪氣汴水漲春聲此日登仙衆君應最後生

秋苔

獨憐蒼翠文長與寂寥存鶴靜窺秋片僧閑踏冷痕月
明疎竹徑雨歇敗莎根別有深宮裏蕙花鎖斷魂

老将

破虜與平戎曾居第一功明時不用武白首向秋風馬
病霜飛草弓閑鴈過空兒孫已成立膽氣亦英雄

城中示友人

久與寒灰合人中亦覺閑重城不鎖夢每夜自歸山雨
破冥鴻出桐枯并月還唯君道心在來徃寂寥間

送友人遊湘中

懷才難自任此去亦如僧何處西風夜孤吟旅舍燈路
沿湘樹疊山入楚雲層若有東來札歸鴻亦可憑

經費徵君舊居

高眠當聖代雲鳥未為孤天子徵不起閑人親得無猿
猱狂欲墜水石怪難圖寂寞荒齋外松杉相倚枯

嚴陵釣臺

夫子垂竿處空江照古臺無人更如此白浪自成堆鶴

靜尋僧去魚狂入海迴登臨秋值晚樹石盡多苔

原上晚望

倚杖聊憑望寒原遠近分夜來何處火燒出古人墳野
勢盤空澤江流合暮雲殘陽催百鳥各自著栖羣

送惠空上人歸

塵中名利熟鳥外水雲閑吾子多高趣秋風獨自還空
囊隨客棹幾宿泊湖山應有吟僧在鄰居樹影間

酬章水知己

新吟忽有寄千里到荆門落日雲初碧殘年眼正昏已
為難敵手誰更入深論後信多相寄吾生重此言

閑居

漸覺春光媚塵銷作土膏微寒放楊柳纖草入風騷睡
少全無病身輕乍去袍前溪汎紅片何處落金桃

思遊峨嵋寄林下諸友

剛有峨嵋念秋來錫欲飛會拋湘寺去便逐蜀帆歸難
世堪言善閑人合見機殷勤別諸友莫厭楚江薇

送劉秀才南遊

南去謁諸侯名山亦得遊便應尋瀑布乘興上岷嶺高
鳥隨雲起寒星向地流相思應北望天晚石橋頭

示諸姪

莫問年将朽加餐已不多形容渾瘦削行止強牽拖死
也何憂惱生而有詠歌侯門終謝去却掃舊松蘿

竟陵遇晝公

高跡何來此遊方漸老身欲投蓮岳夏初過竟陵春錫
影離雲遠衣痕拂蘚新無言即相別此處不迷津

聞貫休下世

吾師詩匠者真箇碧雲流爭得梁太子重為文選樓錦
江新塚樹嫠女舊山秋欲去焚香禮啼猿峽阻修

早秋雨後晚望

暑氣時將薄蟲聲夜轉稠江湖經一雨日月換新秋有

景堪援筆何人未上樓欲承涼冷與西向碧嵩遊

過西塞山

空江平野流風息葦颺殘日銜西塞孤帆向北洲邊
鴻渡漢口楚樹出吳頭終入高雲裏身依片石休

溪齋二首

豈敢言招隱歸休喜自安一溪雲卧穩四海路行難瑞
獸藏頭角幽禽惜羽翰子猷何處在老盡碧琅玕
杉竹映溪關修修共歲寒幽人眠日晏花雨落春殘道
妙言何強詩元論甚難閑居有親賦搔首憶潘安

新秋

始驚三伏盡又遇立秋時露彩朝還冷雲峰晚更奇壠
香禾半熟原迴草微衰幸好清光裏安仁謾起悲

寄上荆渚因夢廬岳乃圖壁賦詩

夢繞峩峩裏神踈骨亦寒覺來誰共說壁上自圖看古
翠松歲寺春紅杏濕壇歸心幾時遂日內漸衰殘
已卯歲值凍阻歸有作

河冰連地凍朔氣壓春寒開戶思歸遠出門移步難湖
雲黏鴈重廟樹刮風乾坐看孤燈焰微微向曉殘

送盧說亂後投知己

兵寇殘江墅生涯盡蕩除事堪煎桂玉時莫倚詩書暮

金華仙詩 卷之三
狄啼六半春山列雨餘無事有新作迴寄示慵疎

讀峴山碑

三載羊公政千年峴首碑何人更墮淚此道亦殊時兵
火燒文缺江雲觸蘚滋那堪望黎庶匝地是瘡痍

過鹿門作

鹿門埋孟子峴首載羊公萬古千秋裏青山明月中政
從襄沔絕詩過洞庭空塵路誰迴眼松聲兩處風

題玉泉寺大師影堂

大化終華頂靈蹤示玉泉由來負高尚合向好山川洞
壑歲諸怪杉松列瘦煙千秋空樹影猶似覆長禪

送人赴舉

分有爭忘得時來須出山白雲終許在清世莫空還騷
樹秋聲健行衣雨點斑明年從月裏滿極度春關

友人寒夜所寄

通宵亦孤坐但念舊峰雲白鳥還如此清閑本共君二
毛凋一半百歲去三分早晚尋流水同歸麋鹿羣

酬洞庭陳秀才

何必要識面見詩驚苦心此門從自古難學至如今青
草湖雲闊黃陵廟木深精搜當好景得即動知音

登金山寺

四面白波聲中流翠嶠橫望來堪目斷上徹始心平鳥
向天涯去雲連水國生重來共誰約題罷自吟行

寄吳都沈員外彬

歸休興若何朱紱盡還他自有園林闊誰爭山水多村
煙晴莽蒼僧磬晚差栽野醉題招隱相思可寄麼

寄明月山僧

山碧明月好月出徧山明要上諸峯去無妨半夜行白
後真雪色幽鳥古琴聲吾子居來久應忘我在城

寄洛下王彞訓先輩

北極新英主高科舊少年風流傳貴達談笑取榮遷洛

水秋空底嵩峰曉翠巔尋常誰竝馬橋上戲成篇

酬岳陽李主簿卷

把卷思高興瀟湘闊浸門無雲生翠浪有月動清魂倚
檻應窮底凝情合到源為君吟所寄難甚至忘筌

寄懷江西僧達禪翁

長憶舊山日與君同聚沙未能精貝葉便學詠楊花苦
甚傷心骨清還切齒牙何妨繼餘習前世是詩家

送吳守明先輩遊蜀

憑君遊蜀去細為話幽竒喪亂嘉陵驛塵埃賈島詩未
應過錦府且合上峨眉既遂高科後東西任所之

廣德縣志且合江州縣志高林身東西州之
願表表尚去瞻感諸幽香身真真如轉聖聖聖聖

吳守則未華也

詩以骨節是時臨平前古詩會南學長有卷

長詩書山日與武回泉心未盡詩真真真真真真

齊詩之西詩聖軒餘

詩歌讀友詩會合修然高天冷詩詩詩詩詩詩

外卷思高思高思高思高思高思高思高思高思高

酒古別字王聖卷

水好空氣高全聖聖聖聖聖聖聖聖聖聖聖聖聖聖

全五代詩卷九十四

羅江李調元雨村

編

荆南

齊已六

寄普明大師可準

蓮嶽三徵者論詩舊與君相留曾幾歲酬唱有新文翠

竇容閑憩嵐峯許共分當年若同訪合得伴吟雲

還黃平素秀才卷

求已甚忘筌得之經渾然僻能離詭差清不尚妖妍冷

澹聞姚監精奇見浪仙如君好風格自可繼前賢

寄朱拾遺

一聞歸闕下幾番熟金桃滄海期仍晚清資路漸高研
冰濡諫筆賦雪擁朝袍豈念空林下冥心坐石勞

荆門送興禪師

灑落南宗子遊方跡似雲青山尋處處赤葉路紛紛虎
共松巖宿猿和石溜聞何峰一回首憶我在人羣

過西山施肩吾舊居

大志終難起西峰卧翠堆牀前倒秋壑枕上過春雷鶴
見丹成去僧聞栗熟來荒齋松竹老鸞鶴自裴回

全唐喜夏雨六十四

四郊雲影合千里雨聲來洗紅塵去併將清氣迴潺
湲浮楚甸蕭散露荆臺欲賦隨車瑞濡毫渴謏才

浣口泊舟曉望天柱峰

根盤潛岳半頂逼日輪邊冷碧無雲點危稜有瀑懸秀
輕毛女下名與鼎湖偏誰見扶持力幾幾出後天

寄楚萍上人

北面香爐秀南邊瀑布寒自來還獨去夏滿又秋殘日
影松杉亂雲容洞壑寬何峰是鄰側片石許相安

竹裏作六韻

我來深處坐剩覺有吟思忽似瀟湘岸欲生風雨時冷

煙濛古屋乾籜墮秋墀徑熟因頻入身閑得徧歌踏多
鞭節損題亂粉痕墮猶見前山疊微茫隔短籬

寄江西幕中孫魴員外

簪履為官興芙蓉結社緣應思陶令醉時訪遠公禪茶
影中殘月松聲裏落泉此門曾共說知未遂終焉

盆池

盆沼滄花邊孤明似玉泉涵虛心不淺待月底長圓平
急承天澤依微泛曙煙何須照菱鏡即此鑒媿妍

喜乾書上人遠相訪

彼此垂七十相見意若何聖明殊未至離亂更應多澹

泊門難到從容日易過餘生消息外只合聽詩魔

寄敬亭清越

敬亭山色古廟與寺松連住此修行過春風四十年鼎
嘗天柱茗詩礪剡溪戩冥目應思著終南北闕前

湘江漁父

湘潭春水滿岸遠草青青有客釣煙月無人論醉醒門
前蛟蜃氣蒼上蕙蘭馨曾受蒙莊子逍遙一卷經

湖西逸人

老隱洞庭西漁樵共一溪琴前孤鶴影石上遠僧題摘
袖園林熟蕙葭徑路迷君能許鄰並分藥斲春畦

落日

晚照背高臺殘鐘殘角催能銷幾度落已是半生來吹
葉陰風發漫空暝色迴因思古人事更變盡塵埃

春興

柳暖鶯多語花明草盡長風流在詩句牽率遠池塘叫
切禽名字飛忙蝶姓莊時來真可惜自勉掇蘭芳

和鄭谷郎中幽棲之什

誰知閑退跡門逕入寒汀靜倚雲僧杖孤看野燒星墨
霑吟石黑苔染釣船青相對唯溪寺初宵聞念經

渚宮自勉

晨午殊豐足伊何挽肺腸形容侵老病山水憶韜藏必
謝金臺去還攜鐵錫將東林露壇畔舊對白蓮房
畢竟擬何求隨緣去住休天涯遊勝境海上宿仙洲夢
好尋無跡詩成旋不留從他笑輕事獨自憶莊周

謝澧湖茶

澧湖唯上貢何以惠尋常還是詩心苦堪消蠟面香確
聲通一室烹色帶殘陽若有新春者西來信忽忘

寄歸州馬判官

郡帶女顏名民康境亦寧晏梳秋鬢白閑坐暮山青贈
客椒初熟尋僧酒半醒應懷舊居處歌管隔牆聽

送靈誓上人遊五臺

此去清涼頂期瞻大聖容便應過洛水即未上嵩峰殘
照催行影幽林惜駐蹤想登金閣望東北極兵鋒

江令石

思量江令意愛石甚悠悠貪向深宮去死同七國休兩
株荒草裏千古暮江頭若似黃金貴隋軍也不留

月下作

良夜如清晝幽人在小庭滿空垂列宿那箇是文星世
界歸誰是心魂向自寧何當見堯舜重為造生靈

景遊道林寺四絕亭觀宋杜詩故

宋杜詩題在風騷到此真獨來終日看一為拂秋塵古
石生寒泐春松脫老鱗高僧眼根靜應見客吟神

勉詩僧

莫把毛生刺低徊謁李膺須防知佛者解笑愛名僧道
性宜如水詩情合似冰還同蓮社客聯唱逸香燈

謝人墨

珍重歲寒煙攜來路幾千只應真典誥消得苦磨研正
色浮端硯精光動蜀牋因君強濡染捨此即忘筌

送人遊玉泉寺

西峰大雪開萬壘向空堆客貴猶尋去僧高肯不來潭

澄猿覩月竇冷鹿眠苔公子將才子聯題興未迴

寄鄭谷郎中

詩心何以傳所證自同禪覓句如探虎逢知似得仙神
清太古在字好雅風全曾沐星郎許終慙是斐然

春雨

欲布如膏勢先聞動地雷雲龍相得起風電一時來霖
霖農桑野冥濛楊柳臺何人待晴暖庭有牡丹開

明月峰

明月峰頭石曾聞學月明別舒長夜彩高照一村耕頗
亂無私理徒驚鄙俗情傳云遭鑿後頑白在崢嶸

謝人惠紫栗拄杖

仙掌峰前得何當此見遺百年衰朽骨六尺歲寒姿雪
外兼松凭泉邊待月欹他時出山去猶謝見相隨

送人遊湘湖

君遊南國去旅夢若為寧一路隨鴻鴈千峰遠洞庭林
明楓盡落野黑燒初經有興尋僧否湘西寺最靈

金江寓居

考槃應未永聊此養閑疎野趣今何似詩題舊不如春
篁離籜盡陂藕折花初終要秋雲是從風恣卷舒

晚夏金江寓居答友生

日日衝殘熱相尋入亂蒿
閑中滋味遠詩裏是非高
碧聳新生竹紅垂半熟桃
時難未可出且欲淬豪曹

寄李洞秀才

到處聽時論知君屈最深
秋風幾西笑抱玉但傷心
野水翻紅藕滄江老白禽
相思未相識聞在蜀中吟

過商山

疊疊巖嵐寒紅塵翠裏盤
前程有名利此路莫艱難
雲木侵天老輪蹄到月殘
何能尋四皓過盡見長安

鷺鷥

日日滄江去時時得意歸
自能終潔白何處悞翻飛
晚

立銀塘闊秋栖玉露微
殘陽葦花畔雙下釣魚磯

雪裏曾迷我籠中舊養君
忽從紅蓼岸飛出白鷗羣
影照翹灘浪翎濡宿島雲
鴛鴻解相憶天上列紛紛

送僧歸南岳

濁世住終難孤峰念永安
逆風眉磔磔衝雪錫珊珊
石室闌霞嫩松枝拂蘚乾
巖巖後應認得連臂下句欄

夏日林下作

煩暑莫相煎森森在眼前
暫來還盡日獨坐只聞蟬
草媚終難死花飛卒未蕪
秋風捨此去滿篋貯新篇

贈無本上人

往年吟月社因亂散揚州未免無端事何妨出世流
洞庭過臘衡岳坐經秋終說將衣鉢天台老去休

寄華山司空圖

天下艱難際全家入華山幾勞丹詔問空見使臣還
瀑布寒吹夢蓮峰翠濕關兵戈阻相訪身老瘴雲間

題真州精舍

波心精舍好那岸是繁華礙目無高樹當門即遠沙
晨齋來海客夜磬到漁家石鼎秋濤靜禪回有岳茶

懷道林寺因寄仁用二上人

名山知不遠長憶寺門松昨晚登樓見前年過夏峰
雨

餘雲脚樹風外日西鐘莫更來東岸紅塵沒馬蹤

尋陽道中作

秋聲連岳樹草色徧汀洲多事時為客無人處上樓
雲疎片雨歇野闊九江流欲向南朝去詩僧有惠休

東林雨後望香爐峯

翠濕僧窗裏寒堆鳥道邊靜思尋去路急遶落來泉
暮雨開青壁朝陽照紫煙二林多長老誰憶上頭禪

寄雙泉大師師兄

清泉流眼底白道倚巖稜後夜禪初入前溪樹折冰
南涼來的的北魏去騰騰敢把吾師意密傳門外僧

送人潤州尋兄弟

君話南徐去迢迢過建康弟兄新得信鴻鴈久離行木
落空林浪秋殘漸雪霜閑遊登北固東望海蒼蒼

送人遊雍京

君來乞詩別聊與愴前程九野未無事少年何遠行商
雲盤翠險秦甸下煙平應見周南化如今在雍京

春草

處處碧萋萋平原帶日西堪隨遊子路遠入鷓鴣啼金
谷園應沒夫差國已迷欲尋蘭蕙徑荒穢滿汀畦

懷華頂道人

華頂星邊出真宜上士家無人觸牀榻滿屋貯煙霞坐
卧臨天井晴明見海涯禪餘石橋去屐齒印松花

寄自牧上人

五老迴無計三峰去不成何言謝雲鳥此地識公卿夢
媿將僧說心嫌觸類空南朝古山寺曾憶共尋行

靜坐

日日只騰騰心機何以興詩魔苦不利禪寂頗相應硯
滿塵埃點衣多坐卧稜如斯自消息合是箇閑僧

送人遊衡岳

荆楚臘將殘江湖蒼莽間孤舟載高興千里向名山雪

浪來無定風帆去是閑石橋僧問我應寄岳茶還
荅知己自闕下寄書

故人勞札翰千里寄荆臺知戀文明在來尋江漢來羣
機喧白晝陸海漲黃埃得路應相笑無成守死灰

新筍

亂迸苔錢破參差出小欄層層離錦籜節節露琅玕直
上心終勁四垂煙漸寬欲知含古律試剪鳳簫看

寄唐洙處士

行僧去湘水歸鴈度荆門彼此亡家國東西役夢魂多
慵如長傲久住不生根曾問興亡事丁寧寄勿言

謝人惠竹蠅拂

妙刮筠篁製纖柔玉柄同拂蠅聲滿室指月影搖空敢
捨經行外常將宴坐中揮談一無取千萬媿生公

新燕

燕燕知何事年年應候來却緣華屋在長得好時催花
外銜泥去空中接食迴不同黃雀意迷逐網羅媒

謝王先輩寄氈

深謝高科客名氈寄惠重靜思生朔漠和雪長蒙茸摺
坐資禪悅鋪眠減病容他年從破碎擔去卧孤峰

寄還闕下高輦先輩卷

去歲逢京使因還所寄詩難留美止作曾換月中枝趣
極僧迷旨功深鬼不知仍聞得名後特地更忘疲

和孫支使惠示院中庭竹之什

憶就江僧乞和煙得一莖剪黃憎舊本科綠惜新生護
噪蟬身穩資吟客眼明星即有佳詠雅合此若聲

苦熱中江上懷爐峰舊居

舊寄爐峰下杉松遶石房年年五六月江上憶清涼久
別應荒廢終歸隔渺茫何當便搖落披衲玩秋光

江上值春雨

江寧正月雨平陸亦波瀾半是峨眉雪重為澤國寒農

田淹寢盡客權往來難愁殺騷人路滄浪正渺漫

七十作

七十去百歲都來三十春縱饒生得到終免死無因密
理方通理栖真始見真沃洲匡阜客幾劫不迷人

謝虛中寄新詩

舊友一千里新詩五十篇此文經大匠不見已多年趣
極同無迹精深合自然相思把行坐南望隔塵煙

送彬座主赴龍安請講

兩論久研精龍安受請行春城雨雪霽古寺殿堂明白
髮老僧聽金毛師子聲同流有誰共別著國風清

夏日荆渚書懷

嵩岳去值亂，匡廬迴阻兵。中途息瓶錫，十載依公卿。不
那猿鳥性，但懷林泉聲。何時遂情興，吟遶杉松行。

謝中上人寄茶

春山穀雨前，併手摘芳煙。綠嫩難盈籠，清和易晚天。且
招鄰院客，試煮落花泉。地遠勞相寄，無來又隔年。

送節大德歸闕

西京曾入內，東洛又朝天。聖上方虛席，僧中正乏賢。晨
光金殿裏，紫氣玉簾前。知祝唐堯化，新恩異往年。

覽清尚卷

李洞僻相似，得詩先示師。鬼神迷去處，風日背吟時。格
已搜清竭，名還着紫卑。從容味高作，翻為古人疑。

寄貫休

子美曾吟處，吾師復去吟。是何多勝地，銷得二公心。錦
水流春潤，峨眉疊雪深。時逢蜀僧說，或道近遊黔。

送唐稟正字歸萍川

霜鬚芸閣吏，久掩白雲扉。來謁元戎後，還騎病馬歸。煙
村蔬飲淡，江驛雪泥肥。知到中林日，春風長澗薇。

寄懷江西栖公

龍沙為別日，廬阜得書年。不見來香社，相思遶白蓮。江

僧歸海寺楚路接吳煙老病何堪說扶羸寄此篇

山中喜得友生書

柴門闕樹石未省夢塵埃落日啼猿裏同人
有信來自成為拙隱難以謝多才見說相思處
前峯對古臺

謝人惠扇子及茶

鎗旗封蜀茗圓潔製鮫綃好客分烹煮青蠅
避動搖陸生誇妙法班女恨涼飈多謝崔居士
相思寄寂寥

寄監利司空學士

詩家為政別清苦日聞新亂後無地歸來盡
遠人寬容民賦稅憔悴吏精神何必河陽縣
空傳桃李春

答陳秀才

萬事皆可了有詩門最深古人難得志吾子
苦留心野疊涼雲朶苔重怪木陰他年立名
字笑我老雙林

游橘洲

春日上芳洲經春蘭杜幽此時尋橘岸昨日
在城樓鷺立青楓杪沙沈白浪頭漁家好生
計簷底繫扁舟

謝人惠藥

五金元造化九鍊更精新敢謂長生客將遺
必死人久餐應換骨一服已通神終逐淮王
去永拋浮世塵

還族弟卷

五代詩

卷七

荆南

七

全五仙詩 卷九
豈要私相許君詩自入神風騷何句出瀑布一聯新詩
若長如此名須遠逐身閑齋舒復卷留滯忽經旬

送周秀遊峽

又向夔城去知難動旅魂自非亡國客何慮斷腸猿
灑灑分高仞瞿塘露淺痕明年期此約平穩到荆門

荆門夏日寄洞山節公

湖光搖翠木靈洞疊雲深五月經行處千秋檜栢陰
山形臨北渚僧格繼東林莫惜相招信余心是此心

再經蔣山與諸長老夜話

遠迹都如雁南行又北迴老僧猶記得位歲已曾來話

遍名山境燒殘黑櫟灰無因伴師往歸思在天台

寄當陽張明府

玉泉神運寺寒磬徹琴堂有境靈如此為官興亦長
吏愁清白甚民樂賦輸忘聞說巴山縣今來尚憶張

全五代詩卷九十五

羅江李調元雨村編

荆南

齊已七

遊三覺山

白石路重重縈紆勢忽窮孤峰擎像閣萬木蔽星空世
論隨時變禪懷歷劫同良宵正冥目海日上窗紅

庭際晚菊上主人

九月將欲盡幽叢始綻芳都緣含正氣不是背重陽採
去蜂聲遠尋來蝶路長王孫歸未晚猶得泛金觴

送趙長史歸閩川

荆門與閩越關戍隔三千風雪揚帆去臺隍指海邊容
情消旅火王化似堯年莫失春迴約江城穀雨前

擬嵇康絕交寄湘中貫微

何處同嵇懶吾徒道異諸本無文字學何有往來書
微寺逍遙夢侯門勉強居相知在元契莫訝八行踈

寄許州清古

北來儒士說許下有吟僧白日身長倚清秋塔上層言
雖依景得理要入無徵敢望多相示孱微老不勝

謝丁秀才見示賦卷

五首新裁翦搜羅盡指歸誰會師古律君自負天機聖
后求賢久明公得雋稀乘秋好攜去直望九霄飛

驚秋

褰裳聽秋信晚傍竹聲歸多故堪傷骨孤峰尚拂衣梧
桐凋綠盡菡萏墮紅稀却恐吾形體嫌心與口違

夏日雨中寄幕中知己

北風吹夏雨和竹亞南軒豆枕歌涼冷蓮峰入夢魂窗
多斜迸濕庭徧瀑流痕清興知無限晴來示一言

夜次湘陰

風濤出洞庭帆影入從清何處驚鴻起孤舟趁月行時

難多戰地野濶絕春耕骨肉知存否林園近郡城

寄唐稟正字

疎野還如舊何曾稱在城水邊無伴立天際有山城落日雲霞赤高窗筆硯明鮑昭多所得時憶寄湯生

宿舒湖希上人房

入寺先來此經窗半在湖秋風新菡萏暮雨老菰蒲任聽浮生速能消默坐無語來燈燭短嗜啖發高梧

戊辰歲江南感懷

忽忽動中私人間何所之老過離亂世生在太平時桃李春無主杉松寺有期曾吟子山賦何帝舊凌遲

送林上人歸永嘉舊居

東越常懸思山門在永嘉秋光浮楚水帆影背長沙城黑天台雨村明海嶠霞時尋謝公跡春草有瑤花

答友生山居寄示

嘉遁有新吟因僧寄竹林靜思來鳥外閑味遠松陰兵寇憑陵甚溪山幾許深休為反招隱攜取一相尋

新秋霽後晚眺懷先公

雨霽湘楚晚水涼天亦澄山中應解夏渡口有行僧鳥列滄洲隊雲排碧落層孤峰磬聲絕一點石龕燈

池上感興

所向似無端風前吟凭欄旁人應悶見片水自閑看碧
底紅鱗鬣澄邊白羽翰南山衆木葉飄著竹聲乾

和曇域上人寄贈之什

百病煎衰朽栖遲戰國中思量青壁寺行坐赤松風道
寄虛無合書傳徃復空可憐禪月子香火國門東

弔雙泉大師真塔

塔聳層峰後碑鐫巨石新不知將一句分付與何人靜
坐雲生衲空山月照真後徒遊禮者猶認指迷津

暮冬送璘上人歸華容

故園雖不遠那免愴行思莽蒼平湖路霏微過雪時全

魚山阻隔或有客相隨得見交親後春風動柳絲

謝人惠丹藥

別後聞餐餌相逢訝道情肌膚紅色透髭髮黑光生仙
洞誰傳與松房自鍊成常蒙分遠惠亦覺骨毛輕

荆門病中寄懷貫微上人

我衰君亦老相憶更何言除泥安禪力難醫必死根梅
寒爭雪彩日冷讓冰痕早晚東歸去同尋入石門

答孔秀才

早向文章裏能降少壯心不愁人不愛閑處自閑吟水
國雲雷潤僧園竹樹深魚嫌我衰颯時此一相尋

秋江

兩岸山青映中流一櫂聲遠無風浪動正向夕陽橫島嶼蟬分宿沙洲客獨行浩然心自合何必濯吾纓

船窗

孤舸凭幽窗清波逼面涼舉頭還有礙低眼即無妨瞥過沙禽翠斜分夕照光何時到山寺上閣看江鄉

永夜

永日還歌枕良宵亦曲肱神閑無萬慮壁冷有殘燈香影浮龕象瓶聲著井冰尋思到何處海上斷崖僧

自遣

了然知是夢既覺更何求死入孤峰去灰飛一燼休雲無空碧在天靜月華流免有諸徒弟時來弔石頭

送陳霸歸閩

涼風動行輿含笑話臨途已得身名了全忘客道孤鄉程過百越帆影遠重湖家在飛鴻外音書可寄無

寄孫闢呈鄭谷郎中

衡岳去都忘清玲戀省郎淹留才半月酬唱頗盈箱雪長松檉格茶添語話香因論樂安子年少老篇章

荆門送人自峨眉游南岳

峩眉來已遠衡岳去猶賒南浦懸帆影西風亂荻花天

涯遙夢澤山衆近長沙有興多新作攜將大府誇

謝主人石筍

西園罷宴遊東閣念林岬特減花邊峭來添竹裏幽憶
過陽朔見曾記大湖求從此頻吟遠歸山意亦休

秋夕寄諸姪

每到秋殘夜燈前憶故鄉園林紅橘袖窗戶碧瀟湘離
別身垂老艱難路長弟兄應健在兵火裏耕桑

謝炭

正擁寒灰次何當惠寂寥且留連夜向未敢滿爐燒必
恐吞難盡唯愁撥易消豪家捏為獸紅迸錦茵焦

夏滿日偶作寄孫支使

其年閏五月

一百二十日煎熬幾不勝憶歸滄海寺冷倚翠崖稜舊
扇猶操執新秋更鬱蒸何當見涼月擁袖訪詩朋

寄清溪道友

山門搖落空霜霰滿杉松明月行禪處青苔遶石重泉
聲喧萬壑鐘韻遍千峰終去焚香老同師大士蹤

謝重緣舊山水障子

敢望重緣飾微茫洞壑春坐看終未是歸卧始應真已
覺心中朽猶憐四面新不因公子鑒零落幾成塵

寺居

鄰井雙梧上一蟬鳴隔牆依稀舊林日撩亂遠山堂難
嘿吟風口終清飲露腸老僧加護物應任噪殘陽

剃髮

金刀閃冷光一剃一清涼未免隨朝夕依前長雪霜夏
林敬石膩春澗水泉香向老凋疎盡寒天不出房

謝高輦先輩寄新唱和集

敢謂神 hands 多懷老比並編聯來鹿野酬唱在龍樓洛
浦精靈懾却山鬼魅愁二南風雅道從此化東周

送徐秀才遊吳國

西江東注急孤櫂若流星風浪相隨白雲中獨遇青他

時誰共說此路我曾經好向吳朝看衣冠盡漢庭

留題仰山大師塔院

嵐光疊杳冥曉翠濕窗明欲起遊方去重來繞塔行亂
雲開鳥道羣木發秋聲曾約諸徒弟香燈盡此生

蝴蝶

何處皆繁紅迷芳到檻重分飛還獨出成隊偶相逢遠
害終防雀爭先不避蜂桃蹊牽往復蘭徑引相從翠裏
丹心冷香凝粉翅濃可尋穿樹影難覓宿花蹤日晚來
仍急春殘舞未慵西風舊池館猶得採芙蓉

楊花

暖景照悠悠遮空勢漸稠
卞如飛雪遠未似落花休
萬帶都門外千株渭水頭
紛紜知近夏銷歇恐成秋
軟著朝簪去狂隨別騎遊
旆衝離館驛鶯撲繞宮樓
江國晴愁對池塘晚見浮
虛窗縈夢雅深院藉苔幽
靜墮王孫酒繁粘客子裘
詠吟何潔白根本屬風流
向日還輕舉因風更自由
不堪思汁崖千里到揚州

夏雨

霽霽蔽穹蒼冥濛自一方
當時消酷暑隨處有清涼
著物聲雖暴滋農潤即長
卞紅紫急電微白露殘陽
應禱尤難得經旬甚不妨
吟聽喧竹樹立見漲池塘
衆類聲

休出羣峰色盡藏
頽沓來洞壑汗漫入瀟湘
下叶黎_田望高祛旱曠光幽齋
飄卧簟極浦灑歸檣
蘚在花從濕花衰苑任傷
悶思濟時力歌詠發哀腸

禪庭蘆竹十二韻呈鄭谷郎中

錯錯在禪庭高宜與竹名
健添秋雨響乾助夜風清
雀靜知枯折僧閑見笋生
對吟殊灑落負氣甚孤貞
密謝編欄固齊由灌溉平
松姿真可敵柳態薄難并
映帶蕪苔石參差近畫楹
雪霜消後色蟲鳥默時聲
遠憶瀟湘岸寒連暮角城
幽根狂亂迸勁葉動相撐
避暑須臨坐逃眠必遠行
未逢仙手詠俗眼見猶輕

荆渚病中因思匡廬遂成三百字寄梁先輩

生老病死者早聞天竺書相隨幾汨沒不了堪歎歎自
理自可適他人誰與祛應當入寂滅乃得長銷除前月
已骨立今朝還貌舒披衣試步履倚策聊躊躇江月青
眸冷秋風白髮疎新題憶刻硿舊約懷匡廬張野久絕
跡樂天曾卜居空龕掩薜荔瀑布歆蟾蜍古檜鳴元鶴
涼泉躍錦魚狂吟樹陰映縱踏花薦菸唇舌既已閉心
脾亦散據松窗有偃息石徑無趑趄夢冷通仙闕神融
合太虛千峰杳靄際萬壑明清初長徃期非晚半生閑
有餘依劉本是詠訪戴寧忘諸稽古堪求已觀時好笑

渠埋頭逐小利沒脚拖長裾道種將閑養情田把藥鉏
幽香發蘭蕙穢莽摧却墟敢謂囊盈物那言庾滿儲微
烟動晨爨細雨滋園蔬亂珍禽羽門稀長者車冥機
坐兀兀著履行徐徐每訐親朱履多憐奉隼旟簪纓紅
玳瑁社念金芙蓉海內競鐵馬篋中藏紙驢常言謝時
去此意將何如

題鶴鳴泉八韻

嘹唳遺蹤去澄明物掩難噴開山面碧飛落寺門寒汲
引隨瓶滿分流逐處安幽蟲乘葉過渴狄擁條看上有
危峰疊旁宜怪石盤冷吞雙樹影甘潤百毛端異早聞

鐫玉靈終別建壇瀟湘在何處終日自波瀾

酬元員外見寄八韻

舊隱夢牽仍歸心只似蒸遠青憐島峭輕白愛雲騰艷
冶叢翻蝶腥臙地聚蠅雨聲連灑竹詩興繼填膺訪戴
情彌切依劉力不勝衆人忘苦苦獨自媿兢兢處世無
他望流年有病僧時慙大雅客遺韻許相承

瀟湘二十韻

二水遠難論從離向坎奔冷穿千嶂脉清過幾州門濶
去都凝白傍來盡帶渾經游聞舜禹表裏見乾坤浦靜
魚閑釣灣涼鴈自屯月來分夜底雲度見秋痕暮氣藏

鄰寺寒濤聒近村離騷傳永恨鼓瑟奏遺魂霧擁魚龍
窟槎欹島嶼根秋風帆上下落日樹沉昏柳少沙洲缺
苔多古岸存禽巢依橘拙獺迳入蘭蓀色自江南絕名
聞海內尊吳頭雄莫謁漢口壯堪吞廖次晴方映馮夷
信忽翻渡遙峰翠疊汀小荻花繁勢接湖煙漲聲
雨歎急搖吟客舫狂濺野人樽疏鑿誰窮本澄鮮自有
源對茲傷九曲含濁出崑崙

蟬八韻

咽咽復啾啾多來自早秋園林涼正好風雨思相收在
處聲無別何人淚欲流冷憐天露滴傷共野禽遊靜息

深依竹鷺移瞥過樓分明晴渡口淒切暮關頭時節推
應足飛鳴即未休年年聞爾苦遠憶所居幽

赴鄭谷郎中招遊龍興觀讀題詩板謁七真儀像

因有十八韻

何處陪遊勝龍興古觀時詩懸大雅作殿禮七真儀遠
繼周南美彌旌拱北思雄方垂朴畧後輩仰箴規對坐
茵花暖偕行蘚陣墮僧條初學結朝服久慵披到處琴
碁傍登樓筆硯隨論禪忘視聽譚老極希夷照日江光
遠遮軒檜影歌觸鞋松子響窺立鶴雛癡始貴茶巡爽
終憐酒散遲放懷還把握憇石或措頤眺遠凝清眇吟

高動白鬣風鵬心不小萬雀志徒卑顧我專無作於身
志有為叨因五字解每忝重言期捨此應休也何人更
賞之淹留仙境晚迴騎雪風吹

假山并序

假山者蓋懷匡廬有作也往歲嘗居東郭因夢覺遂
圖於壁迄今十秋而攢青疊碧於寤寐間宛若捫蘿
挽樹而昇彼絕頂令所作倣像一面故不盡萬壑千
崖神仙鬼怪之宅聊得解懷既而功就乃激幽抱而
作是詩終於一百八十字爾

匡廬久別離積翠杳天涯靜室曾圖峭幽亭復創奇曲

衣酬土價擇日運工時信手成重疊隨心作蔽虧根盤
驚院窄頂聳訝簷卑鎮地那言重當軒未厭危巨靈何
忍擘秦政肯輕移晚覺莎烟觸寒聞竹籟吹藍灰澄古
色泥水合凝滋引看僧來數牽吟客散遲九華渾髻鬢
五老頗參差蛛網藤蘿挂春霖瀑布垂加添雙石笋映
帶小蓮池舊說雷居士曾聞遠大師紅霞中結社白壁
上題詩顧此誠徒爾勞心是妄為經營慙培塿賞翫愧
童兒會入千峰去聞蹤任屬誰

詠茶十二韻

百草讓為靈功先百草成甘傳天下口貴向火前名出

處春無鴈收時谷有鶯封題從澤國貢獻入秦京
精新極嘗知骨自輕研通天柱響摘遶蜀山明賦客秋
吟起禪師晝卧驚角開香滿室爐動綠凝鐙晚憶涼泉
對閑思異果平松黃乾旋泛雲母滑隨傾頗貴高人寄
尤宜別置陳曾魯修事法妙盡陸先生

次宜既前刺曾存別事出妙盡空去主

樓閣思與果平外黃輝效之雲台骨前所賦貴高入穿

今跌擊响書相離成開香滿室歎法彩珠當即對就

靜祥致書以當自辨形血天卦醫藥在德山即頗容

處表海高以靜在書中作德法對四自其人表若難



